

SULPHURIS portio aliqua in cochleari ferreo incensa suspendatur super aquam in vase clauso; & fumo residente, idem toties repetatur, donec totum sulphur fit consumptum.

M E T A L L I C A.

CHALYBIS RUBIGO

præparata.

LIMATURA chalybis aëri exposita humectetur sæpius aceto, vel aqua, donec in rubiginem convertatur; deinde tere in mortario, & affusa aqua pulverem subtilissimum ablue: residuum vero, quod modico tritu in pulverem facile abluendum non redigitur, humectatum aëri diutius expone; & denuo in mortario tritum ablue, ut prius pulvis ablutus ficcandus est, & asservandus.

CHALYBS SULPHURE

præparatus.

CHALYBS igne acerrimo excandefactus bacillo sulphuris admoveatur, ut lique scat, & guttatim in aquam suppositam decidat; deinde separetur a sulphure simul in aquam defluente, & in pulverem subtilissimum redigatur.

FLORES MARTIALES.

℞. Colcotharis vitrioli viridis loti, vel limaturæ ferri ꝑ. libram unam,
Salis ammoniaci ꝑ. libras duas.

Mix-

MIXTA sublimentur ex retorta, & quod in retortæ fundo restat, cum floribus simul terendo misce, iterumque sublima, ut flores colorem pulchre flavescentem acquirant.

RESIDUO tandem addere licet salis ammoniaci ꝑ. libram dimidiam, & sublimationem de novo instituire; idemque repetere, quamdiu flores bene colorati sunt.

LIXIVIUM MARTIS.

RESIDUUM post florum martialium sublimationem loco humido seponatur, liquor defluens servetur ad usum.

SAL MARTIS.

℞. Spiritus vitrioli fortis, olei dicti, uncias octo,
Limaturæ ferri ꝑ. uncias quatuor,
Aquæ m. libras duas.

MISCE, & cessante ebullitione, stet mixtura aliquamdiu super arenam calidam; deinde liquorem effusum per chartam cola, & post idoneam exhalationem sepone, ut crysalli formentur.

CAUSTICUM LUNARE.

ARGENTUM purum duplo circiter pondere aquæ fortis super arenam calidam solve; deinde, calore leniter aucto, exsicca; postea in crucibulo liquefac, ut in formas idoneas effundatur, caute evitato nimio igne, ne materia ultra modum crassescat.

SACCHARUM SATURNI.

COQUE cerussam in aceto distillato, vase plumbeo, donec acetum satis dulcescat; deinde
ace-

acetum per chartam cola, & post idoneam exhalationem sepone, ut crysfalli formentur.

LAPIS MEDICAMENTOSUS.

℞. Aluminis,
Lythargyri,
Boli Armeniae, aut Gallicae, singulorum ꝑ.
libram dimidiam,
Colcotharis vitrioli viridis ꝑ. uncias tres,
Aceti ꝑ. uncias quatuor.

MISCE, & exicca, donec indurescat.

STANNUM PULVERATUM.

STANNUM liquefactum in pixidem effundatur ligneam intus cretatam, qua celeriter succensa reducetur pars stanni in pulverem: reliquum iterum liquefactum eodem modo tractetur, donec totum in pulverem sit redactum.

ARGENTI VIVI

purificatio.

DISTILLA e retorta; deinde sordes aqua salsa, vel aceto ablue.

AURUM MUSIVUM.

℞. Stanni ꝑ. libram unam,
Florum Sulphuris ꝑ. uncias septem,
Salis ammoniaci,
Argentivi vivi purificati, singulorum ꝑ. libram dimidiam.

STANNO liquefacto adde argentum vivum, postquam mixtura refrixerit, in pulverem redigatur, sulphuri salique ammoniaco bene miscetur,

tur, & sublimatio fiat in matraccio: inveniatur aurum musivum sub materia sublimata, cum fordibus quibusdam in fundo.

ÆTHIOPS MINERALIS.

℞. Argenti vivi purificati,
 Florum sulphuris illotorum, pondera æqualia.
 TERANTUR simul in mortario vitreo, vel lapideo, donec unitas facta sit.

CINNABARIS FACTITIA.

℞. Argenti vivi purificati ꝑ. uncias viginti quinque,
 Sulphuris ꝑ. uncias septem.

SULPHURI liquefacto argentum vivum imisce, & si mixtura flammam concipiat, extinguatur vas tegendo; deinde in pulverem redigatur materia, & fiat sublimatio.

MERCURIUS CORROSIVUS

sublimatus, vel albus.

℞. Argenti vivi purificati ꝑ. uncias quadraginta,
 Salis marini ꝑ. uncias triginta tres,
 Nitri ꝑ. uncias viginti octo,
 Vitrioli viridis calcinati ꝑ. uncias sexaginta sex.

ARGENTUM vivum in vase ligneo vel lapideo uncia, aut amplius, mercurii sublimati corrosivi jam confecti misceatur, dum in grana minuta fractum sit; deinde cum nitro teratur, postea cum sale marino, donec argentum vivum omnino apparere desinat; tum addatur vitriolum calcinatum, quocum mixtura non nimis diu conterenda est, ne argentum vivum
 ite-

iterum confluat: denique sublimatio fiat in matracio vitreo, cui, si placet, capitellum aptes, ut spiritus, qui parva quantitate prodit, fervetur.

MERCURIUS DULCIS

sublimatus.

℞. Mercurii corrosivi sublimati ℞. libram unam,
Argenti vivi purificati ℞. uncias novem.

MERCURIO sublimato trito adde argentum vivum in matracio vitreo, & digerantur leni arenæ calore, vitro sæpe agitato, donec coëant, deinde, aucto calore, fiat sublimatio: materia sublimata, abjecta parte superiori acri, & globulis argenti vivi, si qui forte appareant, in pulverem redigatur, iterumque sublimetur; quæ sublimatio sexies repetenda est.

MERCURIUS CALCINATUS.

ARGENTUM vivum purificatum ponatur super ignem arenæ per plures menses in vase vitreo, latum fundum parvumque foramen aëri patens habente, donec in pulverem rubrum calcinetur.

MERCURIUS PRÆCIPITATUS

albus.

℞. Salis ammoniaci,

Mercurii corrosivi sublimati, pondera æqualia.

SOLVE simul in aqua, per chartam cola, & solutione salis alicujus alkalini fixi præcipita; pulverem præcipitatum ablue ad perfectam dulcedinem.

MER-

MERCURIUS CORROSIVUS

ruber.

℞. Argenti vivi purificati,

Aquæ fortis compositæ, pondera æqualia.

MIXTA in vase lati fundi incalescant igne arenæ, donec exsiccata massa rubicundum colorem acquisiverit.

MERCURIUS CORALLINUS.

MERCURIO corrosivo rubro affunde triplum circiter pondus spiritus vinosi rectificati, & leni calore digere per duos vel tres dies, vas sæpe succutiens; deinde spiritum accende, assidue pulverem agitans, donec spiritus totus deflagaverit.

MERCURIUS EMETICUS

flavus.

ARGENTO vivo purificato affunde in vase vitreo duplum pondus spiritus vitrioli fortis; gradatim incalescat liquor, & deinde ebulliat, donec in fundo remaneat massa alba, quæ forti igne penitus exsiccanda est. Hæc massa, aqua calida affusa, statim flavescet, & in pulverem fatiscet. Teratur diligenter cum hac aqua in mortario vitreo; & postquam pulvis subsederit, aquam effunde, &, recenti aqua aliquoties affusa, abluatur ad perfectam dulcedinem.

SULPHUR ANTIMONII

præcipitatum.

℞. Antimonii ꝑ. uncias sedecim,

Tartari ꝑ. libram unam,

Nitri ꝑ. libram dimidiam.

D

SE PA

SEPARATIM in pulverem redacta, bene misceantur; sensim immittatur mixtura in crucibulum candens, & liquetur forti igne; deinde effundatur in conum fusorium, & pars metallica, antimonii regulus vulgo dicta, fundum petet, scoriis supernatantibus. Scorias in aqua solve, & liquorem per chartam cola; deinde falis marini spiritum instillando sulphur præcipita, & postea a salibus aqua ablue.

CROCUS ANTIMONII.

℞. Antimonii,

Nitri, pondera æqualia.

SEPARATIM in pulverem trita probe misceantur; deinde gradatim injiciatur mixtura in crucibulum candens, ut liquetur; materia effusa separetur a scoriis: varii erit coloris; eoque magis flavescet, quo diutius in igne liquata fuerit.

CROCUS ANTIMONII

lotus.

CROCUM in pulverem subtilissimum redactum in aqua coque; qua abjecta, denuo aqua calida aliquoties ablue, donec omnino dulcescat.

TARTARUM EMETICUM.

℞. Croci antimonii loti,

Crystallorum tartari, singulorum ꝑ. libram dimidiam,

Aquæ m. libras tres,

COQUE per horam dimidiam; deinde cola
per

per chartam, & rite evaporatum seponere, quo
crystalli formentur.

CALX ANTIMONII.

ANTIMONIUM in pulverem redactum ni-
tri triplo ponderi probe misceatur, & gradatim
in crucibulum leviter candens immittatur; de-
inde mixtura ab igne remota aqua abluatur, tum
a sale adherente, tum a parte crassiori minus
perfecte calcinata.

CAUSTICUM ANTIMONIALE.

R. Antimonii ꝑ. libram unam,

Mercurii corrosivi sublimati ꝑ. libras duas.

SEPARATIM in pulverem redigantur, probe
misceantur, & fiat distillatio ex retorta, cujus
collum amplum sit, leni igne arenæ; quod in
retortæ collum ascendit, aëri exponendo in li-
quorem resolvatur.

CINNABARIS ANTIMONII.

Quod in fundo retortæ restat post confectum
causticum, in matraccio loricato igne aperto sub-
limetur.

AQUÆ STILLATITIÆ
SIMPLICES.

AQUA ALEXETERIA

simplex.

R. Foliorum menthæ vulgaris recentium ꝑ. ses-
quilibram,

Summitatum absinthii maritimi recentium,

D 2.

Folio-